

Mientras mayoria trahador ta sufri tur fin di luna

SDU a bira GRG: "Gaña Rabia Gang"

ORANIESTAD (AAN) - Dianan, simannan y lunanan ta pasando despues cu pueblo a lanta contra mal gobernacion unda cu dos lider sindical den combinacion cu algun otro mas a pasa tur hende un fastball mahos dilanti di Bestuurskantoor ora cu nan mes a kibra e demostracion cayente cu tabata tin andando.

Bao di e capa cu tur sindicalista mester bandona e lugar di demostracion, e lidernan di entre otro sindicato FTA a pidi tur demostrante pa bay di Bestuurskantoor pasobra SDU mester reuni na su seno pa discuti e caso cu gobierno a lanta den pura contra sindicato di polis SPA.

Haciendo manera esnan di SPA ta muchanan chiquito cu no por atende nan mesun caso den corte, e otro sindicalistanan, cu aparentemente tabata tin un agenda scondi, a probecha di e momentum pa kibra e demostracion pa despues siman largo tene tur hende na linea y tuna tur hende haci.

Cos a bay te hasta asina leu cu un di e lidernan sindical a bay bisa cu boca grandi cu e no tabata tin un agenda politico pa atende cune durante e demostracion pasobra nan a bay como Sindicatonan Den Union, pero shon ningun hende a duna bo tampoco e mandato pa bay kibra demostracion.

Si bo no tabata tin agenda politico anto ta di con bo a bay gara microfoon pa bay bisa tur demostrante cu ta culpa di e gobierno di AVP/OLA tambe cu cos a yega asina leu siendo cu pueblo ta cansa di tende gobierno di MEP for di e prome dia cu nan a cuminsa desgracia e pais aki cu tur cos ta culpa di e gobierno anterior?

Den pasado tambe tur manifestante tabata tin te tal ora pa keda manifesta dilanti di Bestuurskantoor pero ora cu cos tabata cayente ningun demostracion a word e kibra door di e lidernan sindical mes manera a pasa cu e ultimo demostracion contra mal maneho di gobierno Oduber.

Un bay bin di sinta na mesa y mandamento di carta pa ministronan tabata e forma pa tuna tur hende haci mientras den SDU mes algun sindicato a keda masha rabia cu e form con otro lidernan

sindical a kibra e manifestacion y a baha cabes pa gobierno pa despues bay rek tempo mas largo posibel pa te awe nan ta scondi tras di cortina pa faborece gobierno. Rudy Geerman a laga sa cu e ta bay cu vakantie y cu otro hende mester bira vocero di SDU, pero e a laga sa prome cu el a bay cu vakantie cu nan no ta bay entrega manifesto mas na gobierno pasobra ta accion ta bin di parti di sindicatonan!

Esakinan tabata palabranan grandi pa un lider sindical kende despues ta bay cu vakantie pa te awe tur hende mester warda riba esnan cu ta cu vakantie bolbe, pa muestra gobierno cu asina cos no por sigui mas na Aruba?

Pueblo a haya berebere di gobierno y tambe di e sindicatonan di cual nan lidernan a demostra di ta bay na amen di gobierno y ta pesey tambe nan ta worde considera como e Gaña

Rabia Gang. Gaña. Rabi a bira un fenomeno cu a plama den tur seno pero den seno sindical e virus di gaña rabia a caba cu tur credibilidad cu algun sindicato tabata tin ainda y e uniconan cu keto bay tin respet y credibilidad den

pueblo ta SPA y sindicato di WEB; pero keto bay tur hende ta warda riba e famoso plan di accion cu Rudy Geerman a papia di dje prome cu el a bay cu vakantie. Stop di Gaña Rabia!

Gasolin ta subi awe

E ta pasa 1.94 Florin pa liter

ORANIESTAD (AAN): Un boletin emiti pa Ministro Nilo Swaen, ta informa di e cambionan den prijs di gasoline y otro produccionan deriva di petroleo.

Entrante awe 9 augustus 2006 e prijsnan nobo ta como lo siguiente:

Benzine unleaded-premium ta subi cu 6,9 cent, pa worde bendi awor na 194,2 cent pa liter.

Gasolie (Texaco) ta subi cu 1,2 cent, pa worde bendi

awor na 150,4 cent pa liter.

Gasolie LS (Valero) ta subi cu 3,5 cent, pa worde bendi awor na 161,6 cent pa liter.

Kerosine ta subi cu 2,5 cent, pa worde bendi awor na 149,5 cent pa liter.

E tarifanan di accijns cu a keda rebalta pa asina absorba e subimiento di prijs di benta durante e periodo di September 2005 ta keda vigente p'e periodo aki.

SU PROMIE IUSI!

MOS YIU A BISA SU PROHE PALABRA, ABO POR A SCUCHA BON KIKO E LA BISA!!

SEGUN MI E LA BISA PAPA, PAPA! BISA

BLANT STOF CLAUSHULE..!

BLANT STOF CLAUSHULE..!



BEST DEAL

Tel: 5827100

(Pariba di Aruba Bank, Paradera)

BEST SHOPPING DEAL

Turibana Plaza

Tel: 5865455

Hopi model di Pen SPECIAL